



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Annales Mariani Societatis Iesv**

**Nádasi, János**

**Romæ, 1658**

Anno MDCL.

**urn:nbn:de:hbz:466:1-42840**

ANNO MDCI.

371 *Iacobus Ruiz* Coad. per annos 30. cocus, Dei Matrem officio quotidiano vsu attrito honorabat, quod officium nobili cuidam postea magno in pretio fuit. Labores suos Desparæ dedicabat, eoque in illis aded erat assiduus, vt noctu quoq; assiduo labori non parceret: atque vt labori ac pietati plus indulgere posset, totis 30. annis domo exire nunquam petijt. Quam liberalis vicissim erga illum etiam post mortem fuerit Dei Mater, alibi dixi, vbi de illius felici morte scripsi latius. Domi habitabat, ne à Dei Matris latere descenderet. Vega Theologiæ Marianæ num. 126. refert Photij verba dicentis: *Cùm Lyeurgo instare mors videretur, se in Matris Deorum delubrum deferri iussit.* Nos verò sinamus Lycurgum istic mori. nobis & morientibus & mortuis bonum est cum Iacobo Ruiz ad MARIÆ Virginis Dei Matris iatus esse.

Obijt 1601.  
1. Iunij.

Rarò foras prodire ad recreationem.

vide Pre-  
tiosas oc-  
cup. c. 10.  
n. 10.  
Incit.  
n. 103.

372 M. Franciscus Caietanus olim Marchio feliciter obdormiuit. Ajunt illum puerum B. V. honori & Sabb. ieiunasse: feriâ verò III à carnibus abstinuisse; Officium & Rosarium B. V. flexis genibus quotidie recitasse, ad verba singula meditare attentum. Cùm autem studeret vndequaque esse pauperrimus, & nihil vel peteret, vel acciperet à quoquam, conatus tamen est, & effecit, vt haberet è charta vnam B. V. sub cruce septem gladijs confixæ imaginem. Hæc illi præses erat ad se peruincendum. Ita Nicopœia illa, seu victoriosa B. V. imago Constantinopoli semper ferebatur ad pugnam quando bellum vrgebat; ideo illam Elogio celebri appellabant *adiutricem inuictam, belli sociam, imaginem insuperabilis com- militonis DEI.*

Obijt Mes-  
sane 20.  
Apr. 1601.

Atlas Ma-  
rianus  
p. 1. pag.  
18.

DD 2

Idem

*Aue Maria noctu  
recitare.*

*in prologo  
contempl.  
de B.V.  
S. Annæ  
cultum  
suadere.  
Guinifius  
ann. 1601.  
M. S.*

*in prologo  
citato.*

*Ad expe-  
dienda  
salutis ne-  
gotia B.V.  
ope vii.*

Idem Franciscus, tum adhuc octimestris infans *Aue Maria* didicit, & in cunis recitavit. Nutricem incitabat, ut recitaret, ita sopiebatur. Decennis, Beatissimâ Virgine sequestrâ, Christo Sacramentum dixit. Iam tunc ille aspirabat ad illam, ut ab illa disponderetur ad charismata cælestia olim recipienda; (Idiota sapienter de illa pronuncians: *Donis, & charismatibus ædificat seruos suos; ut superbe-nedicti Filij sui, & Spiritus Sancti digna fiant habitatio.*

373 S. Annæ, Matris Beatissimæ Virginis, cultus, est nobile auctarium cultus ipsius Deiparæ; eoque alijs etiam enixe suadendus. P. Alphonsus Cordeses, Hispali senatori mæsto ob sterile vnici filij matrimonio, persuasit ut S. Annam Matrem Matris Dei studiosè coleret: sic enim futurum, ut anni ferè intra spatium nepotem è filio videret lætus: & simul eam colendi modum edocuit. Paruit consilio Senator: & necdum elapso annuo interuallo, nepotem è matrimonio hæctenus mæsto & infæcundo vidit, atque gauisus est. Etiam in Annæ sinu quaerenda est Deipara, eiusque amor per Annæ merita impetrandus. *Ipsa namque, ut ait Idiota, diligit diligentes se; imò sibi seruientibus seruit. Apud Patrem, & Filium procurat negotia, & petitiones nostras.*

374 E Guinifio in hist. Soc. est illud, quòd hoc anno Auenione Nouitius cum Patre vsque ad creperam lucem vespertinam egerit de vocatione, quam senex oppugnabat obnixè. Interea audito ad salutandam vesperi de more Beatiss. Virginem signo, iuuenis Deiparam quàm flagrantissimè portuit precatus est, ut illa senis patris mentem ad saniora conuerteret, cor durum ipsa molliret. Impetrauit. Etenim senex alius omninò ab eo qui fuerat repentè surrexit: quippe mansuetus filio benè preca-

precatus est, errorem suum damnavit, conscientiam  
postea generali confessione expiavit, & pacatè ad  
sua reuersus est. Luculenter profectò expertus est  
in suo Patre hic Societatis candidatus verum esse,  
id quod de B. Virgine dixit iam olim sapiens Idio-  
ta: *Tanta est, inquit ille, virtus sacratissimi tui nomi-  
nis, o Maria, quod mirabiliter emollit, & penetrat duri-  
tiam cordis humani.*

375. Petrus Stopellus Coad. decennio ante mor-  
tem cum desperanter æger decumberet, magnope-  
rè in Deiparæ cultum accendi se persensit, & spem  
viuam concepit mortem adhuc longè abesse: plus  
adhuc sibi laboris in DEI famulatu exantlandum  
esse. Consanuit; & vixit annos decem ea nauiter  
executus pijs, assiduisque laboribus ad quæ à DEO  
per Deiparam longiora vitæ spatia sibi producta  
esse intellexerat. Decennio euoluto, dulcissimo  
MARIAE nomini extrema die ac horâ pronuntiando  
ita erat intentus, quasi præsentem illam conspice-  
ret, animamque in sinum illius deponeret. Vide  
annum totum 1601. in Incitamentis.

376. Colemus B. V. etiam suadendo vt B. Vir-  
ginis imago domi, sabbato maximè, magnâ vene-  
ratione colatur. Didicerat id puer è sodalitiò  
B. Virginis Veronæ, & domi factitabat; quo suc-  
cessu, narrant Veronenses Patres, puer aiunt è Con-  
gregatione Parthenia lampadem domi ante ima-  
ginem sacratissimæ Virginis de more, die sabbati sub  
vesperam accensus, scalis loco admotis dum  
ascendit labi incipientibus; Virginem sanctissimam  
in auxilium vocat, & saluatur: qua ex re maiore  
in illam pietate accensus, per mensem integrum  
quotidie illi certas orationes in animi grati signi-  
ficationem persoluit. *Debemus lampades, obsequia,*  
gra-

contempl.  
c. 3.

obiit Me-  
diolani  
1601.  
3. Sept.

In morbo  
se B. V.  
dedicare.

B. Virgi-  
nis hono-  
ri labo-  
rare.

Vide In-  
cit. 101.

*gratias tibi, ut ait laudatus Athanasius, gratiosæ Domine nostræ Reginae, Herae, Matri Dei, arca sanctuarij.*

Noster docet quid in lubrica occasione agendum.

*in hymno laus Mariae.*

B. V. & Sæcti Societatem commendant.

377 Colitur eadem, si præter alia, suadeas, Beatissima Virgini fundendas preces in periculis pudicitiae demonis artibus oppugnatae. Expertus est id Pater ille Lugdunensis, qui puellam formam & puritate illustrem, sed à potentissimo quoque fædè amatam, tentatam, rogatam, & (cùm flagitium illa ne in aures quidem vellet admittere) diabolicis quoque artibus oppugnata docuit ut adiret voti uam prece ad B. Virginem, Beatumque Ignatium, & ut sacrosanctæ crucis particulam muniretur. Mirum id visum, quod qui hactenus tam impotenter amarat, ut machinamenta etiam ab inferis petita ad id accerseret; repente mutatus totus, nihil plane dixerit vel fecerit quod vel minimi amoris esset indicium. S. Bonaventura, *Vniuersis*, inquit, *præstantior creaturis; hominibus, custos, & quies tutior.* Hæc nos in id genus periculis Virgo fidelis custodiet, ut vincamus, & quiescamus.

378 Ad cultum Deiparæ pertinet, illos qui de Societate deliberant, causam consilij ad B. Virginem, S. Ioannem Baptistam, S. Iacobum, aliosque Sanctos dirigere. Luculentum hanc in rem exemplum est illud quod refert anno 1601. Brunensis epistola: in qua nobilis adolescens de vitæ statu ambigens varijs corporis afflictationibus Dei voluntatem exquirere statuit. Frequentatæ igitur atroces ex catena verberationes, humi cubationes, rigida in cineribus, in fornacibus pernoctationes, acerrimorum ciliciorum quadragesimalis gestatio, ardua ieiunia repetita, preces ad DEVM, sanctissimamque eius Matrem emissæ: impetrataque de cælo lux luculento à DEI Matre auxilio, ut Incitamenta narrant n. 102.

Hæc

Hęc fit lapis lydius nostrarum deliberationum. Huic dicendum cum S. Bonaventura ibid. sic orante: *Aue Virgo, rumpe moras, Et ad omnes semper horas. Mihi custos & adiutrix Esto digna Dei nutrix.*

379. In Romana Provincia cum de Societate quidam reum capitis damnatum ad supplicium comitaretur, & ille se dæmoni diris modis deuoueret, innocentem clamaret, in omnium Iudicium, & aliorum nomina furenter grassaretur surdus ad omnia quæ Pater suggerebat; ad linguæ coërcitionem lignum ori eius & silentium impositum est. Non longè à loco supplicij aberat Beatissimæ Virginis templum. Hic Patri venit in mentem vt extremum à Deipara Virgine adiuuentum peteret. Ergò fiduciâ plenus; En, inquit ad reum, en, mi frater, templum Deiparæ: illi ego te hodie transcribo, illi do, si me audis benè sibi consulentem. Respice vel nunc, dum licet: & adhuc licet. Hæsit defixis in Patrem oculis reus; & spes melior de illo concepta fecit vt capistro remoto loqui posset. Inductus in templum, totus alius ab eo qui hætenus fuerat, maternâ verè diuinæ Matris pietate effectus, omnes vitæ malè actæ noxas eluit; veniam à Deo, atque à populo postulauit; speique bonæ plenus mortem excepit. Adeò è re animarum est eos quos duos experimur, DEI Matri curandos precibus fuis transcribere. *Ipsa, inquit Marianus Idiota, preces & sacrificia seruorum suorum, & maxime quæ illi exhibentur, representat in conspectu diuinæ maiestatis.* P. Petrus Thyraeus edidit (vt habet Marracius in Biblioth. Mariana) *Apodixim thesium de Rosario B.V. Matris DEI.*

Duris corde cultum B. Virginis suadere.

in prologo contempl.

obiit Heriboli 1601.

ANNO MDCII.

380 Hoc anno expirauit *Franciscus Rodriguez Coa.*